

漢書序

游俠傳序

古者天子建國，諸侯立家，自卿大夫以至于庶人，各有等差。是以民服事其上，而下無覬覦。孔子曰：天下有道，政不在大夫，百官有司，奉法承令，以修所職，失職有誅，侵官有罰。夫然，故上下相順，而庶事理焉。周室既微，禮樂征伐自諸侯出。桓文之後，大夫世權，陪臣執命。陵夷至於戰國，合從連衡，力政爭疆，繇是列國公子，魏有信陵，趙有平原，齊有孟嘗，楚有春申，皆

漢書

傳序

一

之執競爲游俠，鷄鳴狗盜，無不賓禮。而趙相虞卿棄國捐君，以周窮交魏齊之厄，信陵無忌竊符矯命，戮將專師，以赴平原之急，皆以取重諸侯，顯名天下。搃擊而游談者，以四豪爲稱首。於是背公死黨之議成，守職奉上之義廢矣。及至漢興，禁網疏濶，未之匡改也。是故代相陳豨從車千乘，而吳濞淮南皆招賓客以千數。外戚大臣，魏其武安之屬，競逐於京師，布衣游俠劇孟郭解之徒，馳騫於閭閻，權行州域，力折公侯，衆庶榮其名迹，覲而慕之，雖其陷於刑辟。



自與殺身成名若季路仇牧死而不悔也故曾子曰
上失其道民散久矣非明王在上視之以好惡齊之
以禮法民曷繇知禁而反正乎古之正法五伯三王
之舉人也而六國五伯之舉人也夫四豪者又六國
之舉人也况於郭解之倫以匹夫之細竊殺生之權
其罪已不容於誅矣觀其溫良泛愛振窮周急謙退
不伐亦皆有絕異之姿惜乎不入於道德苟放縱於
末流殺身亾宗非不幸也

此等豪傑欲使人不愛之重之勢不可得欲不使

漢書

傳序

二

人死之亦不可得班氏譏太史公退處士而進奸
雄視此文又何說也

漢書贊

武帝紀贊

贊曰漢承百王之弊高祖撥亂反正文景務在養民至于稽古禮之事猶多闕焉孝武初立卓然罷黜百家表章六經遂疇咨海內舉其俊茂與之立功興太學修郊祀改正朔定曆數協音律作詩樂建封禪禮百神紹周後號令文章煥焉可述後嗣得遵洪業而有三代之風如武帝之雄材大畧不改文景之恭儉以濟斯民雖詩書所稱何有加焉

漢書

贊

此贊不獨善容武帝之盛亦雅稱武帝之氣

漢書贊

宣帝紀贊

贊曰、孝宣之治、信賞必罰、綜核名實、政事文學法理、之士、咸精其能、至于技巧、工匠器械、自元成間、鮮能及之、亦足以知吏稱其職、民安其業也、遭值匈奴乖亂、推亾固存、信威北夷、單于慕義、稽首稱藩、功光祖宗、業垂後嗣、可謂中興、侔德殷宗、周宣矣、

漢書

贊

漢書贊

元帝紀贊

贊曰、臣外祖兄弟爲元帝侍中、語臣曰、元帝多材藝、善史書、鼓琴、瑟、吹洞簫、自度曲、被歌聲、分判節度、窮極、幼眇、少而好儒、及卽位、徵用儒生、委之以政、貢薛韋匡、迭爲宰相、而上牽制文義、優游不斷、孝宣之業衰焉、然寬弘盡下、出於恭儉、號令溫雅、有古之風烈、

漢書

贊

郊祀志贊

贊曰漢興之初庶事草創唯一叔孫生略定朝廷之儀若迺正朔服色郊望之事數世猶未章焉至于孝文始呂夏郊而張倉據水德公孫臣賈誼更以為土德卒不能明孝武之世文章為盛太初改制而兒寬

司馬遷等猶從臣誼之言

公孫臣賈誼

服色數度遂順黃

德彼以五德之傳從所不勝

傳音亭傳之傳五帝相承代常以金木水火相

勝之法若火滅金便以火代金

秦在水德故謂漢據土而克之劉向

漢書贊

一

父子呂為帝出于震故包羲氏始受水德其後呂毋傳子終而復始自神農黃帝下歷唐虞三代而漢得

火焉故高祖始起神毋夜號著赤帝之符旗章遂赤

自得天統矣

向父子雖有此議時不施行至光武建武二年乃用火德色尚赤耳

昔共

工氏呂水德開于木火與秦同運非其次序故皆不永繇是言之祖宗之制蓋有自然之應順時宜矣究觀方士祠官之變谷永之言不亦正乎不亦正乎

前漢水土不定後漢赤火遂明然未嘗以此為兩

漢優劣也抑末矣

漢書贊

張耳陳餘列傳贊

贊曰、張耳陳餘、世所稱賢、其賓客廝役、皆天下俊桀、所居國、無不取卿相者、然耳餘始居約時、相然信死、豈顧問哉、及據國爭權、卒相滅亾、何鄉者慕用之誠、後相背之蓋也、執利之交、古人羞之、蓋謂是矣、

凡令之人、可不自省、可不自厲、

漢書

贊

季布欒布田叔傳贊

贊曰以項羽之氣而季布以勇顯名楚。身履軍寧旌者數矣。可謂壯士。及至困厄。奴僂苟活而不變。何也。彼自負其材。受辱不羞。欲有所用。其未足也。故終爲漢名將。賢者誠重其死。夫婢妾賤人。感槩而自殺。非能勇也。其畫無俚之至耳。俚。賴也。言其計畫無所成。欒布哭彭越。田叔隨張敖。赴死如歸。彼誠知所處。雖古烈士。何以加哉。

漢書贊

直可作太公史贊

漢書贊

李廣蘇建傳贊

贊曰李將軍恂恂如鄙人口不能出辭及死之日天下知與不知皆爲流涕彼其中心誠信于士大夫也諺曰桃李不言下自成蹊此言雖小可以喻大然三代之將道家所忌自廣至陵遂亾其宗哀哉孔子稱志士仁人有殺身以成人無求生以害仁使於四方不辱君命蘇武有之也

言士大夫皆爲李將軍流涕所以深致恨於青也

漢書

贊

漢書贊

武王子傳贊

贊曰。巫蠱之禍。豈不哀哉。此不唯一江充之辜。亦有天時。非人力所致焉。建元六年。蚩尤之旗見。其長竟天。後遂命將出征。略取河南。建置朔方。其春戾太子生。自是之後。師行三十年。兵所誅屠夷滅滅者。不可勝數。及巫蠱事起。京師流血。僵尸數萬。太子父子皆敗。故太子生長於兵。與之終始。何獨一嬖臣哉。秦始皇卽位三十九年。內平六國。外攘四夷。成人如亂麻。

漢書贊

暴骨長城之下。頭盧相屬於道。不一日而無兵。繇是山東之難興。四方潰而逆秦。秦將吏外畔。賊臣內發。亂作蕭牆。禍成二世。故曰。兵猶火也。弗戢必自焚。信矣。是以倉頡作書。止戈爲武。聖人以武禁暴。整亂止息。兵戈非以爲殘。而興縱之也。易曰。天之所助者順也。人之所助者信也。君子履信思順。自天祐之。吉無不利也。故車千秋指明蠱情。章太子之寃。千秋材知未必能過人也。以其銷惡運。遏亂原。因衰激極。道迎善氣。激去至極之災。引傳得天人之祐。助云。傳引。

激去至極之災。引傳得天人之祐。助云。

傳引。

建元六年長星見元朔元年春戾太子生然止窮
躋獎仁言勸戒深矣

漢書

贊

佞幸傳贊

贊曰。柔曼之傾意。非獨女德。蓋亦有男色焉。觀籍閣鄧韓之徒。非一而董賢之寵尤盛。父子並爲公卿。可謂貴重人臣無二矣。然進不歸道。位過其任。莫能有終。所謂愛之適足以害之者也。漢世衰於元成。壞於哀平。哀平之際。國多釁矣。主疾無嗣。弄臣爲輔。鼎足不彊。棟幹微撓。一朝帝崩。姦臣擅命。董賢繼死。丁傅流放。辜及母后。奪位幽廢。咎在親便。嬖所任非仁賢。故仲尼著損者三友。王者不私人以官。殆爲此也。

漢書

傳贊

一

卽無董賢無救王氏。雖有二孺。鄧韓諸人不爲高惠文武禍也。賢亦不幸而事值哀帝者矣。

漢書贊

西域傳贊

贊曰。孝武之世。圖制匈奴。患其兼從西國。結黨南羌。廻表河曲。列四郡。開玉門。通西域。以斷匈奴右臂。隔絕南羌月氏。單于失援。繇是遠遁。而幕南無王庭。遭值文景玄默。養民五世。天下殷富。財力有餘。士馬疆盛。故能睹犀布璆瑁。則建珠崖七郡。感枸醬竹杖。則開牂柯越巂。聞天馬蒲陶。則通大宛安息。自是之後。明珠文甲。通犀翠羽之珍。盈於後宮。蒲梢龍文魚目汗血之馬。克於黃門。鉅象師子。猛犬大雀之群。食於外園。殊方異物。四面而至。於是廣開上林。穿昆明池。營千門萬戶之宮。立神明通天之臺。興造甲乙之帳。落以隨珠和璧。天子負黼衣。襲翠被。馮玉几。而處其中。設酒池肉林。以饗四夷之客。作巴俞都盧。海中磬極。漫衍魚龍角抵之戲。以觀視之。及賂遺贈送。萬里相奉。師旅之費。不可勝計。至於用度不足。廼摧酒酤。筦鹽鐵。鑄白金。造皮幣。筭至車船。租及六畜。民力屈財用竭。因之以凶年。寇盜並起。道路不通。直指之使。

漢書贊

始出衣繡杖斧。斷斬於郡國。然後勝之。是以末年遂棄輪臺之地。而下哀痛之詔。豈非仁聖之所悔哉。

孝武之盛開闢以來。中國未有也。輪臺一詔。功遂業成。以示不可爲法於後世耳。豈知聖人之心哉。

後漢書

詔令

顧在觀觀生

沛中張

牙繡甫

雲間

許清胤介夫輯評

顧之萃宗之叅訂

勾章陳

裕廣生

陳

祐天生

光武皇帝

諱秀字文叔高祖九世孫兄伯升好俠養士王莽地皇三年起於宛建武元年即帝位祝文曰讖記曰劉秀發兵捕不道卯金修德為天子

封功臣詔

建武二年春正月封功臣皆為列侯

詔曰人情得足。若於放縱。快須臾之欲。忘慎罰之義。惟諸將業遠功大。誠欲傳於無窮。宜如臨深淵。如履

後漢書

詔

一

薄冰。戰戰慄慄。日慎一日。其顯效未酬。名籍未立者。大鴻臚。起上朕將次而錄之。

教化之行中人可為君子。君臣相保有以矣。

光武皇帝

賜竇融璽書

建武五年 竇融遣使獻馬 帝歡甚亦遣令還賜融璽書

璽書曰制詔行河西五郡大將軍事屬國都尉勞鎮守邊五郡兵馬精彊倉庫有蓄民庶殷富外則折挫羌胡內則百姓蒙福威德流聞虛心相望道路隔塞邑邑何已長史所奉書獻馬悉至深知厚意今益州有公孫子陽天水有隗將軍方蜀漢相攻權在將軍舉足左右便有輕重以此言之欲相厚豈有量哉諸事具長史所見將軍所知王者迭興千載一會欲遂立桓文輔微國當勉卒功業欲三分鼎足連衡合從亦宜以時定天下未并吾與爾絕域非相吞之國今之議者必有任囂效尉佗制七郡之計王者有分土無分民自適已事而已

書至河西皆驚明見王者之慮思若有神非偶然哉抑或以刺得張玄說也

光武皇帝

賜隗囂書

有司以囂言慢請誅其子恂帝不忍復賜囂書

昔柴將軍與韓信書云陛下寬仁詩侯雖有亡叛而後歸輒復位號不誅也以囂文吏曉義理故復賜書深言則似不遜畧言則事不決今若束手復遣恂弟歸闕庭者則爵祿獲全有浩大之福矣吾年垂四十在兵中十歲厭浮語虛辭卽不欲勿報

囂甘心更始抗顏光武生我父母成我鮑子設詞過貶宜啓其奸此復拳拳何及

後漢書

書

光武皇帝

勿受異味詔

建武十三年春正月

詔曰往年已勅郡國異味不得有所獻御今猶未止非徒有豫養導擇之勞豫養謂未至獻時豫前養之至乃煩擾道上疲費過所其令太官勿復受明勅下以遠方口實所以薦宗廟自如舊制

光武文綽有餘然出之自然多不經意迺有近於諧笑如此嚴重猶是西京

後漢書

詔

光武皇帝

地震詔 建武二十二年秋九月

詔曰日者地震南陽尤甚夫地者任物至重靜而不動者也而今震裂咎在君上鬼神不順無德災殃將及吏人朕甚懼焉其令南陽勿輸今年田租芻藁遺謁者案行其死罪繫囚在戊辰以前減死罪一等徒皆弛解鉗衣絲絮舊法在徒役者不得衣絲絮今赦許之賜郡中居人壓死者棺錢人三千其口賦逋稅而廬宅尤破壞者勿收責吏人死亾或在壞垣毀宇之下而家羸弱不能收拾者其以見錢穀取備為尋求之

後漢書 詔

赦條委細心誠政實

光武皇帝

詔報臧宮

建武二十七年宮與馬武上書言
匈奴疲困豈宜固守文德墮武事

詔報曰黃石公記曰柔能制剛弱能制強柔者德也剛者賊也弱者仁之助也強者怨之歸也故曰有德之君以所樂樂人無德之君以所樂樂身樂人者其樂長樂身者不久而亡舍近謀遠者勞而無功舍遠謀近者逸而有終逸政多忠臣勞政多亂人故曰務廣地者荒務廣德者強有其有者安貪人有者殘殘滅之政雖成必敗今國無善政災變不息百姓驚惶人不自保而復欲遠事邊外乎孔子曰吾恐季孫之憂不在顓臾且北狄尚強而屯田警備傳聞之事恒多失實誠能舉天下之半以滅大寇豈非至願苟非其時不如息人

身歷兵間得不厭苦

後漢書

詔

一

明帝諱莊光武第四子十歲能通春秋光武奇之立
為皇太子中元二年二月即皇帝位

即位詔中元二年夏四月

詔曰予末小子奉承聖業夙夜震畏不敢荒寧先帝
受命中興德侔帝王協和萬邦假於上下懷柔百神
惠於鰥寡朕承大運繼體守文不知稼穡之艱難懼
有廢失聖恩遺戒顧重天下以元元為首公卿百僚
將何以輔朕不逮其賜天下男子爵人二級三老孝
悌力田人三級爵過公乘得移與子若同產同產子
及流人無名數欲自占者人一級鰥寡孤獨篤癯粟
後漢書詔

人十斛其施利及郡國徒在中元元年四月己卯赦
前所犯而後捕繫者悉免其刑又邊人遭亂為內郡
人妻在己卯赦前一切遣還邊恣其所樂中二千石
下至黃綬貶秩贖論者悉皆復秩還贖方今上無天
子下無方伯若涉淵水而無舟楫夫萬乘以重而壯
者慮輕實賴有德左右小子高密侯禹元功之首東
平王蒼寬博有謀並可以受六尺之託臨大節而不
撓其以禹為太傅蒼為驃騎將軍太尉憲告謚南郊
司徒訢奉安梓宮司空魴將校復士其封憲為節鄉

侯。訢。爲。安。鄉。侯。鮪。爲。揚。邑。侯。
謙。損。已。過。文。勝。於。情。

後漢書

詔

入



二

明帝

幸辟雍詔

永平二年冬十月

詔曰光武皇帝建三朝之禮而未及臨饗

中元元年初起明堂

辟雍靈臺也

眇眇小子屬當聖業間暮春吉辰初行大射

今月元日復踐辟雍尊事三老兄事五更安車輶輪

供綏執授侯王設醬公卿饌珍朕親袒割執爵而酌

三老知天地之事者三老就軍天子親執綏授之五更知五行更代事者

祝嘏

祝噎

在後升歌鹿鳴下管新宮

新宮小雅逸篇也升登也登堂而歌所以重人聲也

八佾具修萬舞於庭

萬亦舞也

朕固薄德何以克當易陳

後漢書

詔

負乘詩刺彼已永念慙疚無忘厥心三老李躬年耆

學明五更桓榮授朕尚書詩曰無德不報無言不酬

其賜榮爵關內侯食邑五千戶三老五更皆以二千

石祿養終厥身其賜天下三老酒人一石肉四十斤

有司其存耆耄恤幼孤惠鰥寡稱朕意焉

盛世之事未可口虛文少也

明帝

寶鼎詔

永平元年夏四月王雒山出寶鼎廬江太守獻之

詔曰昔禹收九牧之金鑄鼎以象物使人知神姦不

逢惡氣遭德則興遷於商周周德既衰鼎乃淪史記

日鼎鼎入泗水中祥瑞之降以應有德方今政化多僻何以

致茲易曰鼎象三公豈公卿奉職得其理邪太常其

以祔祭之日陳鼎於廟以備器用

歸美三公事從挹損為矯其力

後漢書詔



明帝

班示封事詔

永平七年冬十月日食既在位上封事帝覽章引咎乃以上班示百官

詔曰朕以無德奉承大業而下貽人怨上動三光日

食之變其灾尤大春秋圖讖所謂至譴春秋感精符曰春秋撥亂

日食三十六故曰至譴也永思厥咎在予一人羣司勉修職事極

言無諱於是在位者皆上封事各言得失帝覽章深

自引咎乃以所上班事百官詔曰羣臣所言皆朕之

過人寃不能理吏黠不能禁而輕用人力繕修宮宇

後漢書

出入無節喜怒過差昔應門失守關雎刺世春秋說題辭曰

人主不正應門失守故歌關雎以戒飛蓬隨風微子

所嘆管子曰無儀法程式飛蓬永覽前戒竦然兢懼徒

恐薄德久而致怠耳

引喻幽渺可謂兼覽

馬皇后

伏波將軍援女選入太子宮年十三永平三年有司奏立長秋宮陰太后曰馬貴人德冠

後官卽
後宮也

重請封諸舅報

帝重請曰太后誠存謙虛奈何令臣不加恩三舅乎

報曰吾反覆念之思令兩善豈徒欲獲謙謙之名而使帝受不外施之嫌哉昔竇太后欲封王皇后之兄丞相條侯言受高祖約無軍功非劉氏不侯今馬氏無功於國豈得與陰郭中興之后等邪常觀富貴之家祿重位疊猶再實之木其根必傷且人所以願封侯者欲上奉祭祀下求溫飽耳今祭祀則受四方之後漢書

報

一

珍衣食則蒙御府餘資斯豈不足而必當得一縣乎吾計之孰矣勿有疑也夫至孝之行安親爲上今數遭變異穀價數倍憂惶晝夜不安坐臥而欲先營外封違慈母之拳拳乎吾素剛急有胸中氣不可不順也若陰陽調和邊境清靜然後行子之志吾但當舍飴弄孫不能復關政矣

此政深於愛其兄弟處是其賢亦是其知是其德亦繫其才

章帝

諱炅，顯宗第五子，立爲皇太子。少寬容，好儒術。顯宗器重之。永平十八年八月，卽皇帝位。

卽位詔

永平十八年冬十月

詔曰：朕以眇身，託於王侯之上，統理萬機，懼失厥卜，兢兢業業，未知所濟。深惟守文之主，必建師傅之官。詩不云乎：不愆不忘，率由舊章。行太尉事，節鄉侯意。三世在位，爲國元老。司空融，典職六年，勤勞不怠，其以憲爲太傅，融爲太尉，並錄尚書事。三事太夫，莫肯夙夜，小雅之所傷也。予違汝弼，汝無面從。股肱之正義也。群后百僚，勉思厥職，各貢忠誠，以輔不逮。申勅

後漢書

詔

四方稱朕忘焉

雅有風度

章帝

詔報袁安

元和二年北虜謀欲犯邊百官議朝堂安議當還生口鄭弘第五倫皆

恨之司徒桓虞廷叱弘等倫及大鴻臚韋彪作色變容司隸舉奏安等上

謝印綬

詔報曰久議沉滯各有所志蓋事以議策由衆定間
間行行得禮之容寢嘿抑心更非朝廷之福君何尤
而深謝其各冠履

後漢書

詔



章帝

禁奢僭詔

建初二年
春二月

詔曰。比年陰陽不調。饑饉屢臻。深惟先帝憂人之本。詔書曰。不傷財。不害人。誠欲元元去末歸本。而今貴戚近親。奢縱無度。嫁娶送終。尤爲僭侈。有司廢典。莫肯舉察。春秋之義。以貴理賤。今自三公並宜明糾。非法。宣振威風。朕在弱冠。未知稼穡之艱難。區區管窺。豈能照一隅哉。其科條制度。所宜施行在事者。備爲之禁。先京師。而後諸夏。

後漢書

詔

先貴先京師化自上起者也

章帝

賜助祭詔

建初七年秋八月飲酎高廟禘祭光武皇帝孝明皇帝甲辰詔書云

詔曰祖考來假明哲之祀予末小子質又菲薄仰惟先帝烝烝之情前修禘祭以盡孝敬朕得識昭穆之序寄遠祖之思今年大禮復舉加以先帝之坐悲傷感懷樂以迎來哀以送往雖祭亡如在而空虛不知所裁庶或饗之豈亡克慎肅雍之臣辟公之相皆助朕之依依今賜公錢四十萬卿半之及百官執事各有差

後漢書

詔

如此溫穆及人不以其物

章帝

詔三公

元和二年
春正月

詔曰方春生養萬物草甲宜助萌陽以育時物其令
有司罪非殊死且勿案驗及使人條書相告不得聽
受冀以息事寧人敬奉天氣立秋如故夫俗吏矯飾
外貌似是而非揆之人事則悅耳論之陰陽則傷化
朕甚厭之甚苦之安靜之吏悃悃無華悃悃至日計
誠也不足月計有餘如襄城令劉方吏人同聲謂之不煩
雖未有宅異斯亦殆近之矣聞勅二千石各尚寬明
後漢書 詔

而今富姦行賂於下貪吏枉法於上使有罪不論而
無過被刑甚大逆也

寬明二字下得有意寬而不明禍民有甚於苛察

和帝

諱肇，肅宗第四子。建和七年立為皇太子。章和二年二月，即皇帝位。年十歲。

擇良吏詔

永元十二年春三月

詔曰：比年不登，百姓虛匱，京師去冬無宿雪，今春無
 澍雨，黎民流離，困於道路，朕痛心疾首，靡知所濟。瞻
 仰昊天，何辜今人！三公朕之腹心，而未獲承天安民
 之策，數詔有司，務擇良吏，今猶不改，競為苛暴，侵愁
 小民，以求虛名，委任下吏，假執行邪，是以令下而姦
 生，禁至而詐起，巧法析律，飾文增辭。王制曰：析言破律也。貨行
 於言，罪成乎手，朕甚病焉。公卿不思助明好惡，將何
 後漢書 詔

以救其咎，罰咎罰既至，復令災及小民，若上下同心，
 庶或有瘳。

時政頗弛，其勤復爾。

鄧皇后

諱級太傅禹之孫永元八年冬選入宮爲貴人十四年陰后廢立爲皇后帝崩迎立廢帝

后爲皇太后臨朝

遣掖庭宮人詔

詔曰朕以無德佐助統政夙夜經營懼失厥衷思惟治道由近及遠先內後外自建武之初以至於今八十餘年宮人歲增房御彌廣又宗室坐事没入者猶託名公族甚可愍焉今悉免遣及掖庭宮人皆爲庶民以行幽隔鬱滯之情諸官府郡國王侯家奴婢姓劉及疲癯羸老皆上其名務令實悉

後漢書

詔

入

和熹政事無不可觀然此條非女君有不能爲也

安帝

諱祐父清河王慶延平元年慶始就國鄧太后留帝清河邸八月殤帝崩太后與兄隲定策禁中迎帝

即位

崇節約詔

永初五年夏五月

詔曰舊令制度各有科品欲令百姓務崇節約遭永初之際人離荒危朝廷躬自菲薄去絕奢飾食不兼味衣無二絲比年雖獲豐穰尚乏儲積而小人無慮不圖久長嫁娶送終紛華靡麗至有走卒奴婢被綺縠著珠璣京師尚若斯何以示四遠設張法禁懇惻分明而有司惰任訖不奉行秋節既立鷙鳥將用有

後漢書 詔

司怠惰不遵法令將欲順秋行誅

且復重申以觀後效

實實利病於百姓者獨有司耳詔書雖切何益

後漢書 奏議

顧在觀觀生

徐延禧介臣

雲間

許清胤介夫輯評

顧之萃宗之叅訂

勾章陳 裕廣生

陳 祐天生

諸將

議上尊號奏

建武元年公孫述自稱天子光武從薊還過范陽至中山諸將上奏

漢遭王莽宗廟廢絕豪傑憤怒兆人塗炭王與伯升首舉義兵更始因其資以據帝位而不能奉承大統敗亂綱紀盜賊日多羣生危蹙大王初征昆陽王莽

後漢書 奏

一

自潰後拔邯鄲北州弭定三分天下而有其二跨州據土帶甲百萬言武力則莫之敢抗論文德則無所與辭臣聞帝王不可以久曠天命不可以謙拒惟大王以社稷為計萬姓為心

文質則強文文則弱諸將武人多質宜與高帝卽位疏同勝

實融

封皇子議

巴蜀旣平大司馬吳漢上書請封皇子重奏連歲乃詔羣臣議

議曰古者封建諸侯以藩屏京師周封八百同姓諸姬並爲建國夾輔王室尊事天子享國永長爲後世法故詩云大啓爾宇爲周室輔高祖聖德光有天下亦務親親封立兄弟諸子不違舊章陛下德橫天地興復宗統褒德賞勲親睦九族功臣宗室咸蒙封爵多受廣地或連屬縣今皇子賴天能勝衣趨拜陛下恭謙克讓抑而未議羣臣百姓莫不失望宜因盛夏後漢書議

吉時定號位以廣藩輔明親親尊宗廟重社稷應古合舊厭塞衆心臣請大司空上輿地圖太常擇吉日具禮儀

至是卽位已十五年矣諸子之封群臣連奏以決又爵止于公人情孰不欲驟貴其子者

